

通

制

條

格

通制條格卷第十七

賦役

地稅 至元十一年五月中書省樞密院呈軍戶已供到官肆頃之上地土合無納稅戶部議得軍戶限地肆頃之上若有置到熟地合行收稅都省准呈

至元二十年十一月十二日中書省奏去年大都路不揀誰的田地都抄寫了來今年依那田地數目裏科稅來如今那着的人每道俺是

怯薛歹有更勾當裏差出去了也麼道推事故  
說的多有若依他每的事故裏不教納呵別箇  
的攀例去也奏呵奉聖旨不是咱的言語是哈  
罕皇帝見有的聖旨有不是咱定奪下的勾當  
但阿誰種田呵納稅者欽此

學田地稅 至元二十五年八月初九日江西  
行省咨江州路府學景星濂溪參學歲收子粒  
除納稅糧外所存不足養士惟恐荒業照得近  
欽奉聖旨節該江南立學校呵怎生屬學校的

田地屬官也如今師傅每根底學文書的孩兒  
每根底種養者喫的田地與他每呵怎生麼道  
有奏呵那般者麼道聖旨了也欽此擬合欽依  
蠲免都省准擬

科差 庚申年四月欽奉詔書內一款爰自包  
銀之去行積弊至今民力愈困朝廷立制本欲  
利民而反害民非法之弊乃人之弊也加之濫  
官污吏寅緣侵漁科歛則務求羨餘輸納則暗  
加折耗以致淫刑虐政暴斂急徵使農夫不得

安於田里者其害非一吾民安得不重困邪舊  
弊苟不悉除新政安能有立今後應科差發料  
酌民力務要均平期於安靜與吾民共享有生  
之樂而已欽此

中統五年八月欽奉聖旨條畫內一欵諸應  
當差發多係貧民其官豪富強往往僥倖苟避  
已前哈罕皇帝聖旨諸差發驗民戶貧富科取  
今仰中書省將人戶驗事產多寡以叁等致甲  
爲差品各高下類攢鼠尾文簿除軍戶人匠各

另攢造其餘站戶醫卜打捕鷹房種田金銀鐵  
治樂人等一切諸色戶計與民戶一體推定鼠  
尾類攢將來科徵差發據站戶馬錢祇應打捕  
鷹房合納皮貨鷹隼金銀鐵冶合辦本色及諸  
色戶所納物貨並驗定到鼠尾合該鈔數折算  
送納欵此

至元二十八年六月中書省奏准至元新格  
諸科差稅皆司縣正官監視人吏置局科攤  
務要均平不致偏重據科定數目依例

出給花名印押由帖仍於村坊各置粉  
壁使民通知其比上年元科分數有增  
損不同者須據緣由明立案驗以備照  
勘

諸差科夫役先富強後貧弱貧富等者先多  
丁後少丁開具花戶姓名自上而下置  
簿挨次遇有差役皆須正官當面點定  
該當人數出給印押文引驗數勾差無  
致公吏里正人等放富差貧那移作弊

其差科簿仍須長官封收長官差故次  
官封收

諸稅石嚴禁官吏勢要人等不得結攬若近  
下戶計去倉地遠願出腳錢就令近民  
帶納者聽其總部稅官斟酌各處地里  
定立先後運次約以點集處所覩得別  
無輕賣攬納之數令分部官管押入倉  
依數交納得訖朱鈔即日發還惟總部  
官直須州縣納盡方許還職



諸水旱災傷皆隨時檢覆得實作急申部拾  
分損捌以上其稅全免損柒以下止免  
所損分數收及陸分者稅既全徵不須  
申檢雖及合免分數而時可改種者但  
存堪信顯跡隨宜改種毋失其時

諸科差皆用印押公文其口傳言語科斂者  
不得應付違者所取雖公並須治罪

諸和雇脚力皆儘行車之家少則聽於其餘  
近上有車戶內和雇仍須置簿輪轉有

法無致司吏里正公使人等那攢作弊  
主首里正 大德五年八月欽奉聖旨節該擬  
中書省奏江浙省言先爲有力富強之家諸色  
名項等戶計影占不當雜泛差役止令貧難下  
戶承充里正主首錢糧不辦偏負生受已嘗頒  
降聖旨一例輪當今有各管官司往往別稱事  
故聞奏聖旨執把除免乞奏定例事准奏仰不  
以是何投下及運糧水手香莎糯米財賦醫儒  
僧道也里可溫荅失蠻火佃船商等諸色影蔽

有田納稅富豪戶計即與其餘富戶一例輪當里  
正主首催辦錢糧應當雜泛差役未爲定例其  
各管官司今後再不得似前推稱事故別行開  
奏並依已降聖旨一例均當欽此

雜泛差役 至元二十五年三月御史臺講究  
得各道隨路州縣凡有差役大役必合遍科小  
役合壹道辦集者止責壹道合壹路壹縣壹鄉  
科辦者止責壹路壹縣壹鄉辦集再有差役却  
於未辦處輪流科辦

至大三年十月欽奉詔書內一款節該民間  
雜役先儘游食之人次及工賈末技其力田之  
家勿奪農時欽此

至大四年三月欽奉詔書內一款節該民間  
和雇和買一切雜泛差役除邊遠軍人并大都  
至上都自備首思站戶外其餘各驗丁產先儘  
富實次及下戶諸投下不以是何戶計與民一  
體均當應有執把除差聖旨懿旨令旨所在官  
司就便拘收欽此

皇慶元年二月初十日中書省奏大樂忽兒  
赤等教除和雇和買雜泛差役者磨道站班等  
奏了來俺商量來除邊遠出征軍人奧魯上都  
大都其間自備首思站赤外不揀誰與民一體  
均當差役者磨道詔書裏行了來依先聖旨教  
與民一體均當差役呵怎生奏呵那般者磨道  
聖旨了也欽此

皇慶元年四月初二日中書省奏蘆州有的  
做阿速每贖命與來的貳千餘戶百姓每休當

和崔和買雜泛差發者麼道一完者爲皇帝時分  
與了執把聖旨來如今不揀一是誰休指例者麼  
道倒換與聖旨的答失蠻等呵一速官人每奏了  
俺根底與文書來世祖皇帝與他每那戶計時  
分不曾教除雜泛差役來除一都上都其間自  
備首思站赤并邊遠出征軍人外不以是何人  
等與民一體均當者開讀了詔書來不均的一  
般依先例教與民一體均當呵一心生奏呵那般  
者麼道聖旨了也欽此

延祐元年三月十七日中書省奏但凡一切和雇和買雜泛差役除遠出征軍人并上都大都其間自備首思站赤外其餘合投下不以其何人等與民一體均當者麼道自二帝登寶位詔書裏行了來在前也這般行來近間樞密院徽政院中政院會福院宣徽院等各衙門官人每將他每所管戶計不教當和雇和買雜泛差役的奏了俺根底與天書來俺商量本似這般不教均當只科與見有百姓呵窮暴下百姓應當

不得逃竄去也勾當也不能成就是在前定體  
了的勾當依在先體例教一體均當呵怎生奏  
呵那般者麼道聖旨了也欽此

田禾災傷 至元四年六月中書省左三部呈  
今後田禾如被旱澇災傷河南至汝衛等路夏  
田四月秋田捌月其餘路分夏田伍月秋田水  
田並以捌月爲限人戶經本處陳訴若次月過  
閏者展限半月非時災傷自被災日爲始限壹  
月陳訴限外告者皆不爲理都省准呈



至元十七年九月中書省據左司呈民間水旱虫蝻災傷慮恐本處官司看徇不實劄付御史臺行下體覆其按察司官不行隨時親詣止差書吏奏差人等切恐未便都省議得各道按察司今後遇有災傷即摘正官親詣體覆

至元二十年正月二十一日中書省奏迤南貳拾餘處經值旱災道有已前成吉思皇帝聖旨哈罕皇帝聖旨捌月已後不收田禾道呵不合准麼道如今該值災傷去處冬月至今年正

月纔行申到御史臺官也奏來如今教省裏差人與按察司官踏覷去麼道奏來俺商量得知今正是農作動時分不是催糧檢災時月除已納到官及徵在典手者別無定奪其餘百姓身上未納糧數權且聽候今年秋田收成時定奪接管民官每田禾災傷過時不申及不曾被災妄申免稅并按察司依時不檢踏這般的省家臺家差人取招要罪過呵怎生麼道奏呵奉聖旨那般者欽此

大德元年五月中書省江浙行省咨江南天氣風土與腹裏俱各不同稻田冬月布種肆伍月間插秧致月拾月纔方收成若依腹裏期限致月內人戶被災不准申告百姓無所徙出致使逼迫流移合無量展限期秋田不過致月非時災傷依舊壹月爲限限外申告並不准理庶望官民兩便都省准擬

大德六年正月二十日御史臺奏節該初立臺時分則教體察來在後立按察司時分有水

旱災傷田禾不收呵體履來後頭漸漸的不問  
大小勾當教俺體履有其間多有窒礙麼道教  
監察廉訪司官體履虛實行文書有體履的緣  
由是這般不是新行來的勾當行了多年也伴  
當每道俺的勾當裏有窒礙麼道說有何平章  
也說在先是體察來水旱災傷呵合體履除那  
的外合體察麼道說有依着伴當每的言語行  
呵怎生奏呵奉聖旨那般者欽此

皇慶二年九月二十一日中書省奏自立按

察司已來田禾不收水旱災傷一切教監察部  
史按察司官體覆了合納的教納合除免的教  
除免來在後大德六年完澤篤皇帝時分臺官  
人每說俺體覆的勾當多有其餘的勾當體察  
田禾水旱災傷呵依先例教體覆的與省官人  
每一同商量着奏過定例行了來今春臺官人  
每奏過却教體察者麼道俺根底與文書呵這  
勾當行了多年有若不教體覆呵多有窒礙麼  
道前者夏間皇帝根底奏過依先體例教體覆

各處行文書來在後臺官人每却教體察者廢道又奏了來俺衆人商量來田禾水旱等災傷若不教監察廉訪司體覆呵管民官通同捏合除免稅糧於勾當多有窒礙這勾當自世祖皇帝立按察司廉訪司到今行了肆拾餘年也不足行的勾當廢道臺官人根底也說將去來如今正是收刈田禾時分依先例只教他每體覆呵怎生奏呵是行了多年的勾當也依先例教體覆者廢道聖旨了也欽此

孤老殘疾 至元七年五月尚書省戶部呈大  
名路錄事司張祿年老孤寒難以當差勘當得  
元籍人口節次死亡外即目止有妻阿王年柒  
拾壹歲別無營運察司體履相同本部叅詳擬  
合於當差額內除作不任當差老戶都省准呈  
至元十二年八月中書省擬戶部呈平陽路  
殘疾戶齊顯明不任當差察司體履相同擬合  
於當差額內開除都省准呈

至元二十五年正月尚書省擬戶部呈廣平

路肥鄉縣張阿黃告夫張聚與男安驢身故阿黃隻身年老別無丁產不任當差察司體覆相同合於當差額內除豁都省准呈

壹產叁男 至元八年八月尚書省御史臺呈河南道按察司申鄧州軍戶張二妻壹產叁男都省擬免叁年雜役

上都站 至元二十三年十二月二十六日中省奏前者站戶每根底教管草料磨道奏呵與價錢管者磨道聖旨有來在後站戶每生受有



歷道判負奏了休教管者歷道傳聖旨來如今這的每根底不管呵草料失悞了的一般依體例與價錢管呵怎生商量來歷道奏呵與價錢管呵怕甚歷教管者歷道聖旨了也欽此擬上都大都站戶既是自備首思欽依聖旨事意除鹽折和買草料依例出備外其餘和雇和買雜泛差役除免

押運使臣 至元二十四年閏二月中書省兵部算外郎馬永務呈各省解納進呈一切段疋

諸物和雇船隻長運直至河東交卸依漕運司  
糧斛例船主既支腳錢自行雇夫其站船遞運  
驗船隻大小料例俱有已設站夫毋得更差揮  
船人夫仍禁治押運官負使臣今後毋得擅便  
督勒沿江河路府州縣行移前路文字准備差  
撥人夫路府州縣亦不得聽從押物人負輒便  
行移差撥都省准呈

弓手稅糧 大德七年八月中書省御史臺呈  
弓手稅糧例應人戶包納爲緣文案不明各路

止是一槩帶徵人戶不知實免糧數司縣主首人等高下其手民甚苦之合令各路通照出本路額設弓手幾名每戶應免糧若干壹路通免糧若干本路所管各縣戶計合徵糧若干總包若干卷內開出花戶姓名糧數多少通行均包每正糧若干合包若干驗實均包某戶合包若干明立案驗當該首領官吏仔細照勘均平無差行下各縣出給催糧由帖付納糧人戶依數供輸每年明榜市曹歲使通知廉訪司照刷又

卷時分點壹貳戶將由帖比對但有爭差將各路首領官吏嚴行治罪庶革多徵之弊都省准呈

差撥祇候 元貞二年八月中書省江西行省盜所轄路分合設祇候曳刺牢子等未有定例其部照擬比附迤北腹裏額數體例俱於肆兩包銀戶內選差開坐各該人數從長定奪爲是江南別無送納包銀擬於稅糧叁石之下戶內差充都省准擬

諸上路

祗候叁拾伍名

禁子拾伍名

曳刺壹拾名

諸下路

祗候貳拾伍名

禁子壹拾名

曳刺陸名

散府直隸省部

祗候貳拾伍名

禁子壹拾名

曳刺陸名

散府本路所轄

祗候貳拾名

禁子伍名

曳刺伍名

上州直隸省部

祇候貳拾叁名 禁子捌名 曳刺伍名

上州本路所轄

祇候貳拾名 禁子伍名 曳刺伍名

中州直隸省部

祇候壹拾捌名 禁子伍名 曳刺伍名

中州本路所轄

祇候壹拾陸名 禁子伍名 曳刺肆名

下州直隸省部

祇候壹拾肆名 禁子伍名 曳刺肆名

下州本路所轄

祇候壹拾貳名

禁子肆名

曳刺肆名

上縣

祇候壹拾貳名

禁子伍名

中縣

祇候壹拾名

禁子肆名

下縣

下路錄事司同

祇候捌名

禁子叁名

上路錄事司

祇候壹拾名 禁子叁名

濫設頭目 至元七年四月尚書省御史臺呈  
河北河南道按察司申諸處州縣各管村分以  
遠就近併爲壹鄉或爲壹保設立鄉頭里正保  
頭節級以下更有所設鄉司人負催趨差發投  
下本縣文字一切勾當擬各戶合着差發計構  
本縣官吏減免分數或雖立戶名科着絲料包  
銀稅糧却令所管村分人戶代納每年秋夏兩  
次於人戶處取斂年常物料或別作名稱托散



聚歛如此侵擾以其久在縣衙與官吏上下慣  
通易爲作弊都省議得仰通行各路嚴切禁治  
司縣鄉司里正人等須管不致似前冒濫多誤  
作弊擾民違錯仍取准行文狀

孝子義夫節婦 至元十年二月中書省御史  
臺備監察御史呈欽奉聖旨條畫內一款節該  
孤老幼疾貧窮不能自存者仰本路官司驗實  
官爲養濟而不收養或不如法者委監察糾察  
欽此體察得大都路左警巡院咸寧坊魏阿張

年壹拾陸歲適魏明子蔓其夫荒縱不事家業  
因欠回回債銀貳錠逃竄不知所往阿張父代  
還所欠魏蔓老母及阿張同居傭計孝養甘旨  
不闕拾餘年後其夫還家因病身故並無產業  
營運賃房居住有子柒歲其姑玖拾伍歲眼昏  
且病不能行止依舊孝養遇有事出置姑扇戶  
將子寄於隣居學舍後蒙官司拘刷戶計標附  
收養取到社長文狀與所察相同及左巡院狀  
稱阿張今春差發綵鈔見行定奪未納叅詳魏

通判 十七  
阿張孝奉老姑守節不嫁欽依聖旨事意官爲  
養濟仍令除免差役更加旌表以勵風俗都省  
准擬

至元十一年正月十四日中書省吏禮部呈  
平陽路李伯祥與妻馬氏養母阿張能備孝道  
體還是實本部議得擬合與免李伯祥戶下雜  
役都省准擬

大德八年八月中書省擬禮部呈議得義夫  
節婦旌表門閭本爲激勵薄俗以敦風化今各

起所舉往往指稱夫亡守志不見卓然異行多  
係富強之家規避門役廉訪司亦不從公覈實  
以致泛濫今後舉孝行者若父母挽車養竭其  
力號父攀栢表盡其誠董生之甘旨供厨茶甕  
之號血廬墓舉義夫者若其被泣荆垣感宗族  
散財焚券惠濟鄉閭漢薛包之昆弟讓財魏楊  
播之總服同鬻舉節婦者若夫亡在參拾之前  
柏舟自誓守志至伍拾以後行露不侵執節下  
回如文孀女臨難不避如義宗妻似此之類聽

各處保明都省議得義夫節婦孝子順孫旌表  
門閭本欲敦民俗而厚風化必得行實卓越節  
操超絕者方可壘勸將來邇者各處官司不詳  
此意往往不覈名實泛常保舉以致謬濫甚非  
所宜今後舉節婦者若參拾已前夫亡守志至  
伍拾以後執節不揚貞正著明者聽各處隣佑  
社長明具實跡重甘保結申覆本縣牒委文資  
正官體履得實移文附近不干礙官司再行體  
履結罪回報憑准體履牒文重甘保結申覆本

管上司更爲覈實保結申呈省部以憑旌表仍  
從監察御史廉訪司體察如是富強之家別無  
實跡慕向虛名營求保舉規避門役及所保謬  
濫不實即將隣佑社長并元保體履官更取招  
治罪義夫孝子順孫若果孝義行實有可嘉尚  
必合表異爲宗族鄉黨稱道者方許各處隣佑  
社長條具實跡申聞本縣並依上例體履申呈  
省部依例旌表若有濫失謬妄亦依上例治罪  
皇慶二年十月二十九日中書省奏大寧路

管轄的高州玉甃寨趙哇兒小名的婦人年貳拾歲他的男兒病重呵與夫同亡麼道說誓來在後他的男兒沒了呵那婦人教做了大棺子自縊死了和他男兒壹箇棺子裏埋葬了有婦人每似這般歿了男兒貞烈與夫同死的上頭合除免雜泛旌表門閭麼道遼陽省官人每備着本廳廉訪司文字掩根底與將文書來俺商量來他每說的是有奏呵奉聖旨是好勾當有止免雜泛呵雖有本戶的差役也除免者麼道

聖旨了也欽此

至元三十年五月中書省禮部呈汴梁路申  
管城縣民戶趙毓參世同居合爲旌表本部議  
得方今自翁及孫參世同居如趙毓者比比皆  
是若與旌褒紛紛指例無益勸懲今後伍世同  
居安和者旌表其門似革泛濫都省准呈

通制條格卷第十七



通制條格卷第十八

關市

開渡盤詰 至元二十六年八月樞密院議擬到禁約諸軍例內一欵開津渡口把隘去處當該官員軍兵人等常切用心巡綽盤捉一等作過戶人務要嚴謹毋致私受財貨放行如違體察得實痛行斷罪

牙保欺蔽 至元十年八月中書省斷事官呈大都等路諸買賣人口顯厓房屋一切物貨交

為其官私牙人僥倖圖利不令買主賣主相見  
先於物主處撲定價直却於買主處高擡物價  
多有尅落深屬未便今後凡買賣人口頭疋房  
屋一切物貨須要牙保人等與賣主買主明白  
書寫籍貫住坐去處仍召知識賣主人或正牙  
保人等保管盡完押字許令成交然後赴務投  
稅仍令所在稅務亦仰驗契完備收稅明白附  
層出榜遍行禁治相應都省准呈

至元二十八年三月欽奉詔書內一款數年

以來所在商賈多爲有勢之家占據行市蒙奪  
民利以致商賈不敢往來物價因而湧貴在都  
令監察御史在外令按察司常切用心糾察按  
治、

濫給文引 至元二十三年十二月中書省樞  
密院呈腹裏州城諸投下官司信從人戶以江  
南等處作買賣爲由濫放文引因而般取軍人  
在逃使管軍官不能拘繫擬合遍行禁約都省  
議得今後諸人若因事或爲商賈前去他所勾

當經由有司衙門陳告取問隣佑是實令人保  
管別無遠礙方許出給差引明置文簿銷照外  
擬其餘衙門并各投下官司雖有印信無得擅  
行出給文引

至元二十四年七月尚書省樞密院呈議得  
蒙古軍人凡闕礙軍馬調度勾補逃亡軍人一  
切大小軍中勾當合從蒙古與魯官司出給差  
劉各軍若爲私已勾當諸處買賣等事於本管  
與魯官司具狀陳告行移所管有司依例出給

文引兩相關防似爲便當都省准呈

至元二十六年八月內樞密院議得管軍大小衙門翼所自來不係有司毋得擅給民匠諸色客旅人等文引及不得將官司應拘禁之物隱藏夾帶不令納官違者寃治

和雇和買 至元五年八月中書省奏中都路每軍應辦馬駝稗草忙忙兀魯海牙那懷呂合刺也的迷失等所管人匠合無與民一體和買准奏今後仰忙兀魯海牙那懷呂合刺也的迷

失等所管人匠并不以是何諸色人等但種田  
的都教和買者其合該價錢照依街市實直割  
時給散毋致尅減刁蹬人難

至元十九年十月欽奉詔書內一欵和雇和  
買並依市價不以是何戶計照依行例應當官  
司隨即支價毋得逗遛刁蹬大小官吏權豪勢  
要之家不許因緣結攬以營私利違者治罪

至元二十一年四月中書省戶部呈大都管  
下州縣和采和買米糧料草一切所須官給價

錢內有給不到數目及將元降料鈔私下換作爛鈔散與百姓都省議得如遇關支和買和親鈔數明白開寫行移合屬須管依數給散毋致因而換易違錯御史臺嚴加體察

至元二十六年七月尚書省御史臺呈山東道按察司申每年和買段疋合趁絲蠶收成時分和買織造官民俱便及令各處官司遞相體覆保勘就申合干上司但有不實體察都省准呈

至元二十八年四月中書省御史臺呈禮部  
應做好事合用物價每件須有減駁多破鈔數  
官府因循作弊本臺議得各處今後凡有和買  
諸物必須從實估價合該上司體履相應依數  
支放如有多估不實取問當該官吏招伏以其  
冒估之數多少論罪追徵餘價還官若元估相  
應故行減駁虧損人民亦行治罪在內監察御  
史在外肅政廉訪司體察都省准呈

大德七年三月中書省宣徽院呈起運上都



米麵等事送戶部與禮部一同議得凡雇車運物不分粗細例驗船重里路官給脚價以此參詳今後起運上都米麵等物合從宣徽院選委有職役廉幹人負長押先將合起物色一一親臨秤盤裝發打角完備如法封記斟酌合用車輛令大都路巡院正官召募有抵業信實車戶明立脚契編立牌甲遞相保管然後許令攬運各於契上開寫所載箱包布袋各各船重眼同交盤責付車戶收管及令重護封頭長押官通

行管押如運至上都交收辦得封記打角俱無  
損壞布袋箱包亦不鬆慢秤盤筋重又與元攬  
相同中間却有短少不堪蓋爲押運人負裝整  
之際失於照畧着落追陪相應若苦蓋不如法  
裝卸不用心致有損失雖封記俱全比元封打  
角鬆慢或去封頭箱包布袋破漏交出短少不  
堪者即是車戶不爲照畧或因而侵盜就將行  
車人監勒追徵不敷之物照依脚契先驗元雇  
車戶均徵更有追補不足者着落當該雇車官

司補納仍以物多寡量情斷罪押運人負回還  
須要納獲無反朱鈔銷照及經過村坊店戶之  
家排門粉壁無得寄頓雜買官物都省准呈

至元四年三月欽奉詔書內一欵節該諸王  
駙馬經過州郡從行人負多有非理需索官吏  
黃緣爲姦用壹鳩百重困吾民自今各體朝廷  
節用愛民之意一切懲約毋蹈前非其和雇和  
買驗有物之家隨即給價尅減欺落者從監察  
御史蕭汝廉訪司體察究治欽此

延祐元年十月中書省戶部呈益都廣平等  
路和買皮貨時估爭懸今後各處合報諸物時  
估司縣正官親行估體實價開申路府摘委文  
資正官首領官通行比較務要相應開具估體  
比較官負職名依期申部凡遇和買即今拘該  
官吏仿體完備正官比對時估無差方許支價  
如後照勘或因事發露却有冒濫者著落估體  
比較官吏追陪似革苟且因循之弊亦免減駁  
注復紊繁都省桂擬

市舶 延祐元年七月十九日欽奉聖旨節該  
中書省奏在前設立市舶下番博易非圖利國  
本以便民比開禁止以來香貨藥物銷用漸少  
價直陡增民用闕乏乞開禁事准奏仰於廣東  
泉州慶元復立市舶提與司杭州依舊設立市  
舶庫專知市舶公事直隸行省管領諸人不得  
攪擾沮壞所有法則開列于后

一 金銀銅錢鐵貨男子婦女人口絲綿段疋  
銷金綾羅米糧軍器並不許下海私販

諸番逆者船商船主綱首事頭大長各  
決壹佰柒下船物俱行沒官若有人首  
告得實於沒官物內壹半充賞重者從  
重論發船之際仰本道廉訪司嚴加體  
察

一抽分則例粗貨拾伍分中抽貳分細貨拾  
分中抽貳分棧船商回帆已經抽解訖  
物貨市舶司並依舊例於抽訖物貨內  
以叁拾分爲率抽要船稅壹分通行結

誅不許非理刁蹬船商取受錢物違者  
計贓以枉法論罪

一諸王駙馬權豪勢要僧道也里可溫荅失  
蠻諸色人等下番博易到物貨並仰依  
例抽解如有隱匿不行依理抽解許諸  
人首告取問是實錢物沒官犯人決杖  
壹佰柒下有官者罷職仍於沒官物內  
壹半付首告人充賞若有執把免抽聖  
旨懿旨仰行省宣慰司廉訪司就便拘

收

一拘該市舶去處行省官宣慰司官市舶司  
官不得拘占船舶梢帶錢物下番買賣  
如違許諸人首告取問是實犯人決杖  
壹佰柒下罷職不叙錢物沒官沒官物  
內壹半付告人充賞船主事頭不舉首  
者同罪

一下番使臣在前託以採取藥材根買布罕  
寶貨巧取名分徒費廩給今後並行禁



止果有必合遣使者從中書省開奏差  
遣其餘諸衙門近侍人等不得干預朝  
廷若有宣索諸物責令順便番船綱首  
博易綱官

一諸處船商每遇冬汛北風發船從船商經  
所在船司陳告請領總司衙門元發公  
驗公憑並依在先舊行關防體例填付  
船商大船請公驗柴水小船請公憑願  
往番邦明填所往是何國土經紀不得

詭寫管下洲島別名亦不許越過他國  
至次年夏汛南風回帆止赴元請給驗  
憑發船船司抽分不許越投他處船司  
各處市船司如不係本司元發船隻亦  
不得信從風水不便巧說事故一面抽  
分違者決伍拾柒下解見任因而受財  
者以枉法論如本船司依見定例抽解  
訖從船商發賣與般販客人亦依舊例  
就於所在船司請給公遣從便於各處

州縣依例投稅貨賣如不於元指所往  
番邦經紀轉投別國博易物貨雖稱風  
水不便並不憑准船物盡行沒官船商  
船主綱首事頭火長各杖壹佰柒下若  
有告首者於沒官物內壹半付告人充  
賞

一船商請給公摠照舊例召保船牙人保明  
某人招集人伴幾名下船船收買物貨  
往某處經紀公驗開具本船財主某人

直庫某人稍工某人雜事等某人部領  
等某人璇手某人作伴某人船隻力勝  
若干橋高若干船面濶若干船身長若  
干每大船壹隻止許帶柴水船壹隻捌  
櫓船壹隻餘上不得將帶所給大小船  
公驗公憑各仰在船隨行如有公驗或  
無公憑及數外多餘將帶即是私販許  
諸人告補得實犯人決壹伯柒下船物  
俱沒官沒官物內壹半付告人充賞所

載柴水捌槽小船於公憑內備細開寫  
亦於公驗內該寫力勝若干橋高若干  
船面闊若干船身長若干召到物力戶  
某人委保及與某人結爲壹甲互相作  
保如將帶金銀違禁等物下海或將姦  
細歹人四船并元委保人及同結甲人  
一體坐罪公驗後空紙捌張行省用訖  
縫印於上先行開寫販去物貨各各名  
件酌重若干仰綱首某人親行填寫如

到彼國博易物貨亦仰綱首於空紙內  
就於地頭即時日逐批寫所博到物貨  
名件色數點秤抽分如魯停泊他處將  
販至物貨轉變滲泄作弊及抄填不盡  
或因事敗露到官即從漏舶法決杖壹  
佰柒下財物沒官保內人能自告首將  
犯人名下物貨壹半充賞如舶司官吏  
容庇或覺察得因事發露到官定將官  
吏斷罷不叙所給公驗行中書省置半

印勘合文簿立定字號付綱首某人收  
執前去某處經紀須要遵依前項事理  
所有公憑小船並照公驗一體施行

一海商不請驗憑擅自發船並許諸人告捕  
船商船主綱首事頭火長各杖壹佰柒  
下船物俱行沒官於沒官物內壹半付  
告人充賞如已離船司即於沿路所在  
官司告捕依上追斷給賞

一海商自番國及海南收販物貨到國已赴

市船司抽分而在船巧爲藏匿者卽係  
漏船並行沒官仍許人告首依例於沒  
官物內壹半充賞犯人決杖壹佰柒下  
一船商去來不定多任海南海北廣東道沿  
仰籍定姓名仍令海南海北廣東道沿  
海州縣鎮市地商軍民官司用心關防  
如遇回船船隻到岸嚴切催趕起離前  
赴市船司抽分如官吏知情容縱決伍  
拾柒下受賂者計贓以枉法論罪



一市舶司招集船商船隻行省以下衙門不得差占及有新造成船船之家並仰籍定數自今後亦不得差占有妨船商興販經紀其有運糧船隻不得因而夾帶奪占失誤海運

一各處市舶司每年辦到船貨除合起解貴細之物外摠其餘物色必須變賣者所委監抽官監臨有司隨即估計實直價錢再令不干礙官司委廉幹正官復估

相同別無虧官損民將民間必用并不  
係急用物色驗分數互相配搭須要一  
併通行發賣作鈔解納並不許見任官  
府權豪勢要人等詭名請買違者許諸  
人首告得實將見獲物價盡數沒官於  
沒官價內壹半付告人充賞犯人決杖  
陸拾柒下仍仰監察御史肅政廉訪司  
嚴行體察

一番船南船請給公驗公憑回帆或有遺風

被劫事故合經所在官司陳告體問的  
實移文市舶司轉申總司衙門再行合  
屬體覆如委是遭風被劫事故方許銷  
落元給驗憑字號若妄稱遭風被劫事  
故私般物貨欺謾官司送所屬勘問是  
實船商船主綱首事頭火長各決壹伯  
柒下同船梢水人等各決柒拾柒下船  
物盡行沒官若有人首告於沒官物內  
壹半充賞或有公途山嶼灘岸停泊漏

水取柴恐有稍礙水手搭客等人乘時  
懷袖偷藏貴細物貨上岸博易物件或  
著船商之家回帆將到船司私用小船  
推送食米接應船船却行般取貴細物  
貨不行抽解即是滲泄並聽諸人告捕  
全行斷沒犯人杖壹佰柒下告捕人於  
沒官物內壹半充賞仍仰泇海州縣出  
榜曉諭嶼嶼等處鎮守軍官巡尉人等  
常切巡捉催趕船隻隨即起離彼處不

許久停直至年例停泊去處到時具申  
各處市船司差廉能官封堵坐押赴元  
發市船司又行差官監般入庫檢空船  
隻搜檢在船人等懷空方始放令上岸  
如在蕃阻風住冬不還者次年回帆取  
問同船或同伴船隻人等是實依例抽  
分若是妄稱風水不便轉折買賣許諸  
人首告得實船商船主綱首事頭火長  
各決壹伯柒下同船梢水人等各決柒

拾柒下船物盡行沒官沒官物內壹半  
付告人給賞

一海商所用兵器并銅鑼作具隨船泊處具  
數中所屬依例寄庫起船司給付除外  
多餘將帶同私販法

一海商每船募綱首直庫雜事部領梢工碗  
手各從便具名呈市舶司申給文憑船  
請火印爲記人結伍名爲保

一海商買場物貨以舶司給籍用印關防具

注名件筋數綱首雜事部領稍工書押  
回日以物籍公驗納市舶司

一行省市舶司官每歲斟酌船回帆之時  
本省預爲選差廉幹官覓比之肆月已  
裏須到抽解處所等待船到來隨即  
依例封堵挨次先後抽分不得因而遲  
延走泄物貨其所差監抽官亦不得違  
期前去停滯船商人難

一定到船法抽分則例關防節目仰行省各

處市舶司所在官真奉行謹守不得疵  
裂違犯行御史臺廉訪司常加體察毋  
致因而看循廢弛

一番因遣使賚擎禮物赴闕朝見仰具所賚  
物色報本處市舶司秤盤檢驗別無夾  
帶開申行省移咨都省如隱藏不報或  
夾帶他人物貨不與抽分者並以漏船  
論罪斷沒仍於沒官物內壹半付告人  
充賞其船船果有順帶南番人番物者



從本國地頭於元給船公驗空紙內  
明白填付姓名并物貨名件酌重至船  
司照數依例抽解番人回還本國亦於  
所在番船公驗內附寫將去物貨不許  
夾帶違法之物如到番國不復回程却  
於元賚公驗空紙內開除附寫緣故若  
有一切違犯並依前罪上坐船商船主  
一船商下海開船之日仰市船司輪差正官  
壹負親行檢視各大小船內有無違

禁之物如無夾帶即時放令開洋仍取  
本司檢視官重甘罷職結罪文狀如將  
來有人告發或因事發露但有違禁之  
物決杖捌拾柒下解見任降貳等受財  
容縱者以枉法論却不得因而非理搔  
擾船商本道肅政廉訪司嚴加體察

一船商梢水人等落後家小所在州縣常加  
優恤

一抽分市船閘防節目若有該載不盡合行

事理行省就便斟酌事宜從長施行

下番 至元二十五年八月中書省御史臺呈

海北廣東道提刑按察司申廣州官民於鄉村  
糴米伯碩斤碩至萬碩者往往般運前去海外  
占城諸番出糴營求厚利擬合禁治都省准呈  
中寶 至大四年三月欽奉詔書內一款諸人  
中寶蠹耗國財比者寶合丁乞兒八谷私買所  
盜內府寶帶轉中入官既已伏誅今後諸人毋  
得似前中獻其扎蠻等所受管領中寶聖旨亦

仰追收欽此

牙行 至元二十三年六月中書省照得先爲  
蓋里赤擾害百姓已行禁罷况客旅買賣依例  
納稅若更設立諸色牙行抽分牙錢剗剗市利  
侵漁不便除大都羊牙及隨路買賣人口頭疋  
莊宅牙行依前存設驗價取要牙錢每拾兩不  
過貳錢其餘各色牙人並行革去

皇慶元年三月中書省御史臺呈近年都下  
諸物價騰蓋因各處所設船行步頭刁證客旅

把柄船戶以致舟船滯貨物不通擬合嚴行  
督責各處瀕河提調官司常加禁治於本土有  
抵業之人量設貳參名榜示姓名以革濫設之  
弊刑部議得合准臺擬仍令監察御史廉訪司  
常切體察都省准呈

皇慶元年八月中書省照得大都羊市設官  
恢辦稅課皮毛若過官買亦須兩平支價其所  
委買羊之人往往指勒羊主賤買或不即給價  
營利轉賣及權豪勢要之家挾勢強買又一等

通志卷之八  
十一  
無賴之徒迎接給占乾要蓋利羊牙人等多取  
牙錢驚擾羊客公私不便已嘗禁治今體知得  
諸衙門往往亂行批寫印帖就市強行奪買羊  
口無賴之徒擾害客旅如有違犯之人許諸人  
捉拿到官嚴行治罪及劄付御史臺體察

雇船文約 至元三十一年二月中書省議得  
今後凡江河往來雇船之人須要經由管船領  
頭人等參面說合明白寫立文約船戶端的籍  
貫姓名不得書寫無籍貫并長河船戶等不明

文字及保結攬載已後儻有疎失元保飯頭人等亦行斷罪及將保載訖船戶并客旅姓名前往何處勾當置立文簿明白開寫上下半月於所屬官司呈押以憑稽考

私賄 至元十三年四月十三日中書省奏雲南省裏行的怯來小名的回回人去年提奏來江南田地裏做買賣的人每將着賄子去雲南是甚麼摸要有做買賣的人每私下將的去的教禁斷了江南田地裏市舶司裏見在有的賄

子多有譬如空放着將去雲南或換金子或換馬可得濟的勾當有奏呵那般者聖旨有呵去年的貳子教將的云南去來那其間那裏的省官人每說將來雲南行使貳子的田地窄有與鈔法一般有貳子廣呵是甚麼貴子百姓生受有腹裏將貳子這裏來的合教禁子有說將來呵兩箇的言語不同有那裏衆官人每與怯來一處說了話呵說將來者麼道與將文書去來如今衆人商量了說將來將入來呵不中是甚



麼貴子百姓每也生受有百姓每將入來的官  
司將入來的禁斷了都不合教將入來麼道說  
將來有俺商量得不教將入去呵怎生奏呵休  
教將入去者聖旨了也欽此

通制條格卷第十八